

Na osnovu člana 32. Zakona o javnim nabavkama Bosne i Hercegovine ("Službeni glasnik BiH", broj: 39/14), a nakon provedenog pregovaračkog postupka bez objave obavještenja, dana 24.11.2020. godine, zaključen je

OKVIRNI SPORAZUM

Nabavka ambalaže za potrebe apoteka

Između

JU „Apoteke Sarajevo“, ul. Kranjčevićeva br. 29, ID:4200280090003, 71 000 Sarajevo, koju zastupa generalni direktor Nedim Hrelja mr. ph. MBA (u daljem tekstu: **Naručilac**)

i

PHARMAMED TRAVNIK D.O.O., ul. Dolac na Lašvi bb, Travnik, ID:4236008110008, koje zastupa direktor Sanjin Kotlica (u daljem tekstu: **Isporučilac**)

Član 1.

Ovim okvirnim sporazumom se utvrđuju uslovi za zaključivanje pojedinačnih ugovora o javnoj nabavci robe

Nabavka ambalaže za potrebe apoteka

u skladu sa uslovima iz tenderske dokumentacije, ponudom Isporučioca broj:1/1-2-1918/20, odredbama ovog okvirnog sporazuma i stvarnim potrebama Naručioca.

Član 2.

Isporučilac će Naručioca snabdijevati neophodnom robom ugovorene vrste i kvaliteta u svemu prema datoj ponudi.

Član 3.

Ovaj okvirni sporazum se zaključuje na period od 12 mjeseci od dana potpisivanja.

Ovaj okvirni sporazum stupa na snagu danom potpisivanja obje ugovorne strane s tim da ako su različiti datumi potpisivanja, kao dan stupanja na snagu računa se posljednji datum potpisivanja.

Tokom perioda važenja ovog okvirnog sporazuma, predviđa se zaključivanje više pojedinačnih ugovora, u zavisnosti od stvarnih potreba Naručioca.

Član 4.

Ukupna vrijednost ovog okvirnog sporazuma iznosi 87.871,48 KM (bez PDV-a).

Jedinične cijene su iskazane u ponudi. Cijene su fiksne i ne mogu se mijenjati za sve vrijeme važenja okvirnog sporazuma.

Izuzetno cijene se mogu smanjivati u slučaju smanjenja cijena na osnovu promjena u propisima koji uređuju ovu oblast.

Član 5.

Ovaj Okvirni sporazum ne predstavlja obavezu Naručioca na nabavku roba od Isporučioca. Obaveza nastaje tek kada se ispostavi narudžbenica od strane Naručioca, u skadu sa uslovima iz tenderske dokumentacije i važećim propisima, odnosno kada se dostavi pojedinačni ugovor na potpis Isporučiocu.

Nakon zaključenja okvirnog sporazuma, kada nastane potreba Naručioca za predmetom nabavke, Naručilac će zaključivati pojedinačne ugovore o javnoj nabavci sa specifikacijama i potrebnim količinama. Pri zaključivanju pojedinačnih ugovora ne mogu se mijenjati bitni uslovi iz ovog okvirnog sporazuma. Pojedinačni ugovori se zaključuju pod uslovima iz ovog okvirnog sporazuma u pogledu predmeta nabavke, cijena, načina i rokova plaćanja i rokova isporuke.

Pod pisanim oblikom ugovora smatra se ispostavljena narudžbenica od strane Naručioca i/ili ispostavljen pojedinačni ugovor na potpis. Ugovor u okviru okvirnog sporazuma smatra se dodijeljenim/zaključenim na način izdavanja narudžbenice - ugovora od strane Naručioca i prihvatanja iste od strane Isporučioca, odnosno potpisivanjem pojedinačnog ugovora od strane Isporučioca. Ukupna plaćanja bez PDV-a na osnovu svih narudžbenica-ugovora izdatih na osnovu sklopljenog okvirnog sporazuma ne mogu premašiti ukupnu vrijednost ovog okvirnog sporazuma, koja iznosi 87.871,48 KM KM (bez PDV-a), cijena sa PDV-om 102.809,63 KM.

Ukoliko je ugovorni organ na osnovu ovog okvirnog sporazuma sa ponuđačem zaključio pisani ugovor pod uslovima utvrđenim ovim okvirnim sporazumom, na određeni period, količinu ili vrijednost, ugovorni organ može dostavljanje narudžbenice sa specifikacijom vršiti bez potpisa, elektronskim putem (putem e-maila) u okviru specifikacije, količina i iznosa pojedinačnog ugovora.

Član 6.

Naručilac će isporučiocu plaćati cijenu u roku od 60 (šezdeset) dana od dana ispostavljene fakture. Nema avansnog plaćanja tokom trajanja okvirnog sporazuma.

Član 7.

Isporučilac je dužan da isporuči robu najkasnije u roku od 3 (tri) dana od dana slanja narudžbe ugovornog organa.

Član 8.

U slučaju kašnjenja u isporuci roba iz okvirnog sporazuma, do kojeg je došlo krivicom Isporučioca, isti će platiti ugovornu kaznu u skladu sa Zakonom o obligacionim odnosima u iznosu od 0,6 % naručene robe, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti. Isporučilac je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Naručioca. Naručilac je dužan da prilikom prijema robe bez odlaganja obavijesti Isporučioca da zadržava pravo na ugovornu kaznu.

Naručilac neće naplatiti ugovorenu kaznu ukoliko je do kašnjenja došlo usljed više sile. Viša sila podrazumijeva vanredne događaje koji se ne mogu predvidjeti, koji su se dogodili bez volje i uticaja ugovornih strana i koji nisu mogli biti spriječeni od ugovorne strane koja je pogođena višom silom. Višom silom se mogu smatrati poplave, zemljotresi, požari, rat, neredi, štrajkovi, imperativne odluke vlasti kao što je zabrana prometa, uvoza, izvoza i slično. Ugovorna strana koja je pogođena višom silom je obavezna odmah obavijestiti drugu stranu u pismenoj formi o nastanku više sile te dostaviti odgovarajuće dokaze.

Pravo Naručioca na naplatu ugovorne kazne ne utiče na pravo zahtijevanja naknade štete.

Član 9.

Za period naveden članom 3. ovog okvirnog sporazuma neće se primjenjivati odredbe propisa kojim se uređuje postupak javne nabavke.

Za sve što nije regulisano ovim Okvirnim sporazumom ili pojedinačnim ugovorom sklopljenim na osnovu ovog Okvirnog sporazuma primjenjivat će se odgovarajuće odredbe važećeg Zakona o obligacionim odnosima.

Član 10.

Ukoliko poslije zaključenja ovog okvirnog sporazuma nastupe okolnosti više sile koje dovedu do ometanja ili onemogućavanja izvršenja obaveza definisanih okvirnim sporazumom, rokovi izvršenja obaveza će se produžiti za vrijeme trajanja više sile.

Viša sila podrazumijeva vanredne događaje koji se ne mogu predvidjeti, koji su se dogodili bez volje i uticaja strana u okvirnom sporazumu i koji nisu mogli biti spriječeni od strane pogođene višom silom. Višom silom mogu se smatrati poplave, zemljotresi, požari, politička zbivanja (rat, neredi, štrajkovi), imperativne odluke vlasti (zabrana prometa, uvoza, izvoza) i sl. Strana u okvirnom sporazumu pogođena višom silom odmah će u pisanoj formi obavijestiti drugu stranu o nastanku nepredviđenih okolnosti i dostaviti odgovarajuće dokaze.

Član 11.

Odredbe ovog Okvirnog sporazuma ne mogu se mijenjati nakon njegovog zaključenja.

Član 12.

Sastavni dio ovog okvirnog sporazuma čini ponuda Isporučioca broj broj:1/1-2-1918/20.

Član 13.

Isporučilac je u smislu osiguranja izvršenja obaveza po ovom okvirnom sporazumu, obavezan Naručiocu dostaviti garanciju za uredno izvršenje pojedinačnog ugovora u iznosu od **10 % ukupne vrijednosti ugovora.**

Isporučilac će garanciju iz prethodnog stava dostaviti u roku od **7/sedam/ dana od dana obostranog zaključivanja/potpisivanja pojedinačnog ugovora.**

Garancija za uredno izvršenje ugovora dostavlja se u originalu. Garancija ne smije biti ni na koji način oštećena (bušenjem i sl.) jer probušena ili oštećena garancija se ne može naplatiti. Ukoliko garancija za uredno izvršenje okvirnog sporazuma nije dostavljena na propisan način, shodno uslovima iz tenderske dokumentacije i u roku iz prethodnog stava, zaključeni okvirni sporazum će se smatrati apsolutno ništavim.

Član 14.

Isporučilac nema pravo zapošljavati u svrhu izvršenja ovog okvirnog sporazuma, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za javne nabavke, najmanje 6 /šest/ mjeseci po zaključenju okvirnog sporazuma, odnosno od početka realizacije okvirnog sporazuma.

Član 15.

Preuzimanje robe koja je predmet ovog okvirnog sporazuma, te kvantitativni i kvalitativni prijem vrši se u skladištu Kupca.

O uočenim nedostacima u količini, kvalitetu ili oštećenju, Naručilac je dužan sačiniti zapisnik u roku od 2 (dva) dana od dana preuzimanja robe i isti dostaviti Isporučiocu.

Ako se poslije prijema robe od strane Naručioca naknadno utvrdi da robe imaju neki nedostatak koji se nije mogao otkriti uobičajenim pregledom, prilikom preuzimanja robe (skriveni nedostatak), Naručilac je dužan da o istom obavijesti Isporučioca bez odlaganja.

Isporučilac ne odgovara za nedostatke robe koji se pokažu istekom šest mjeseci od dana predaje robe.

Član 16.

Sve sporove koji proisteknu u realizaciji ovog okvirnog sporazuma strane će rješavati sporazumno.

U slučaju da sporazum nije moguć, spor će rješavati nadležni sud u Sarajevu.

Član 17.

Ovaj okvirni sporazum je zaključen u 4 (četiri) istovjetna primjerka od kojih po 2 (dva) primjerka zadržava svaka od strana u okvirnom sporazumu.

NARUČILAC

JU „Apoteke Sarajevo“

Nedim Hrelja mr. ph. MBA
Generalni direktor

ISPORUČILAC

PHARMAMED TRAVNIK D.O.O

Sanjin Kotlica
Direktor

Broj: 01-03-3289/20

Broj:

Sarajevo, 24.11.2020. godine

JU „Apoteke Sarajevo“

PHARMAMED TRAVNIK D.O.O.